

GUERZ

*Var sujet eun Den Yaouanc a voa d'et da b'ac
p'avar sqoët goude e maro.*

SPEREE-SANTEL, m'o ped, anflamit va speret,
Da gana eur c'hantic evit ar Vretonet,
Var sujet eun exemple trist pehini zo etruet
Ebars en Breis-Izel, e mis Du tremenet.

Crena ra va c'halon ive va oll memproù,
Va daoulagat ne reont nemet scüilla d'aelou,
O tont da gonsideri peguer trist e ar matier :
Goulen a ran sicour eus ar Verc'hes santel.

Eun den yaouanc, sivoas, voan'em abandonet,
Goude ma voe maro e dud gant ar c'hlenved,
A voan'em abandonet da bep seurt tristidiguez,
Da bep tristidiguez, da bep seurt paourentez.

Evel ma voa yaouanc, ne grede clasq netra :
Tud vad, dre charite, a gass tamou dezâ ;
Hac evel ma voa yaouanc e teujot d'er scandalat
Pa na gare sevel ha mont da labourat.

Souffr a ra mil injur gant güir baciantet,
O laqat e fianç er Verc'hes beniguet,
Dre m'en devoa e imach hac hini ar Bassion,
Ha ma rê diraze bemdez e orêzon.



Unden eusarc'hontre, undeneusarc'hartier
A deuas d'e velet, o clêvet e vizer,
En eur larat deân : deus d'am zi da labourat;
Ar c'hès a respontas : ne meus qet a zillad.

Gouzout a ràn certen labourat an douar;
Mes allas! em'er paour, ne meus na pal na mar :
Pêvar scoët a vancfe din evit en em eqipa;
Me a yelo d'ho ti sur evit ho paea.

An ozac'h var ar guer a ro ar pêvar scoët,
O lavarat deân : Va mignon, ne vanc qet,
En eur lavaret deân : deus d'am zi da labourat
Pa po bet pal har mar ha prenet da zillad.

Monet a ra d'e di, ma voe eur pennad mad;
Plijout a rê deze certen da labourat;
Un devez dreistar reall e voe meurbet estonet
O sonjal er paour-qez pelec'h e voa chomet.
Ma ejont ta da velet, hac e voe cavet maro
Ebars en e lohic, var eun dornad colo.

Lienet voe ê gorf vit bea antêret;
Ar brud a zavas prest, ma teujo d'e velet.
Anden-màn' deuas ive evel m'oa eus arc'hanton,
A deuas d'e velet... O Doue pez eston!

Pa zorti eus an ti, d'an oll e lavare :
Orato birvigen e ene ne antre
En Barados un Doue, qen en devezo paeet
Ar pez a rois deân n'eus qet pell pêvar scoët,

Dre ar c'homzou terrupl pere a brononças,
N'oun penos an douar d'e lônqa ne zigoras,
Oc'h arrêti eun ene a voa e vont d'ar joayou,
A vije recevet gant Jesus en eêvou.

Ar Verc'hes biniguet, dre ma voa dêi fidel,
A accord eur mennad evit he zervicher,
Ma teuje var an douar eun instant da labourat,
Evit monet d'an ti da baea ar barbar.

Monet a ra d'e di, ha ma voe recevet
Goulen a ra labour, ma voe deân roet ;
Labourat a ra er parq qement hacan trigüella,
Ar pezh zo estonus, hep dêbri nac eva.

Pa zeu coulz ar repos, caer e vije'r pedi
Evit monet gante assambles da zêbri,
En em denne a goste, hac eno var e c'hinou
En em string d'an daoulin evit souffr e boaniou.

Dont a ra'n uzuiller, qemer a ra eston,
Hac én monet ractal da laret d'ar Person
En devoa eul labourer hac a rê qement a tri,
Ar pezh zo estonus, hep eva na dêbri.

Mâ, eme ar Person, cunlinuit bepret ;
Bremâ zouden vatant me yêlo d'e velet.
Mes pa êruas er parq, dre bermission Doue,
Ec'h anaveas pront penos voa eun ene.

Me cònjur, eme'r Person, lavar dio me a ped
Nê get hirio eiz de em boa da entêret ?
Petra a zefot dide ? Petra a glasques amâ !
Petra a zefot did evit da zelvra ?

Pêvar scoët am boa bet digant mestr anti-mâ,
On deut dre vouir voyen sur evit o faea:
Oh! e leac'h pêvar scoet, eiz certen a vo roet,
Eur veach, ene paour, qen a vi delivret.

Ne meus get ar pouvoar da antre er joayou,
Nemet gant va Æl-mat e clêfen ar c'hêlou;
Pedit Doue evidôn, me a ya prest d'an êvou:
Varc'hoas d'ar memes heur me rento ar c'hêlou.

Dont a ra ar Person da zigass an arc'hant,
Ma vije delivret a boan hac a dourmant.
Mes me, eme an ene, am boa int bet digantàn:
P'oc'h eus ar vadelez, me o rento deân.

Pa astennas e zorn da guemer an arc'hant,
I santas an ardor, ar boan hac an tourmant;
E vrec'h deo betec e scoa en instant a voe dêvet,
An arc'hant eus e zorn d'an douar zo qüeet.
Adieu, autrou Person, me ya bremâ d'ar joayou,
Me bedo evidoc'h Jesus-Christ, hon Autrou.

Pa dleo un den dêc'h, pa yêl eus ar bed-mâ,
Elec'h dezirout drouc, pedit Doue gantâ:
Pedomp bepret ha meulomp ma zayo da repos
Ha da veuli Doue en gloar ar Barados.

FIN



GUERZ AR GARNEL.

DEMP d'ar Garnel, Christenien, güelomp ar Religou
Deus hor breudeur, c'hoarezet, hon tadou ha mamou,
Demeus hon amezeyen, hor brassa mignonet,
Güelomp ar stat truezus e pini int rentet.

Güelet e reot aneze torret ha bruzunet,
Ha memes an darnvuia a zo e poultr rentet :
Ne veler mui o noblanç, o danvez, o guenet,
Ar maro hac an douar o deus o distrujet.

Arpaour hac ar pinvidic, ar mestr hac ar sujet,
Oll e zint rentet hénel, oll dizenvelebet ;
Ne zeus mui nemet esqern, poultr ha breinadurez,
Dign eus a gompasion hac eus a bep truez.

Hoguen er stat truezus e pini int rentet,
E parlantont e langach mud elocant meurbet
Ouz peb-unan ac'hanomp, mar qeromp profita
Qeit ma plijo gant Doue hon lezel er bed-mâ.

Glêvit eta anezo, ha grit attantion,
En dezir da brofita euz a greiz ho calon :
Lavarat a rin deoc'h e ziu bet er bed-mâ,
Hac e varvfot evelto pa sôajot nebeuta.

Ni zo bet varan douar orën qer coulz ha c'houi
O parlant hac o vale, oc'h eva, o têttri,
Ha cetu amâ bremâ ar stat ma zomp rentet,
Goude m'omp bet en douar o vezur ar préved.

M'oa un den créu ha galant, ha me un dijentil,
Me voa un den pinvidic, ha me un den habil;
Me meus collet va noblanç, ha me va oll danvez,
Me va nêrz ha va guenet, ha me va güizieuez.

N'hon eus cavet er bed-mâ nemet hon œuvrou mad
Da bresanti d'or Barner, d'hon Roue ha d'hon Tad;
List eta madou'n douar, detestit ar viçou,
Hac ornit mad hoc'h ene a bep seurt vertuziou.

Mar goulennit diganemp pelec'h èt hon eneoù,
Ni responto : d'ar purgator, rac hoünes è hor brô;
È maint en tân o tèvi vit peur-baea o dle
Contractet var an douar da jostiç un Doue.

Eus e ouelet ar flammou ne cessont o crial,
O c'houlén hor pedennou, ma ellint sortial
Eus ar prisoniou teval e pere int tolet;
Hastit d'hor zicour, ha na zaleit qet.

Déch-hu en em adressomp, qerent a mignonet,
Dagaout memor ac'hanomp pazit dre ar vêtet.
Lavarit en eur dremen : Doue ra bardono
D'an anaon er purgator, rac ennes è hor brô.

Un aluzen, ur beden grêt gant devotion :
Ur yun pe un oferen, pe ur gommunion,
A ell calz hor soulaji ha berrât hor poanniou,
Hac hon tenn en un istant a ouelet ar flammou.

C'houi, Bêleyen charitabl en eus or c'hunduet,
En hent hor zilvidiguez, pa edomp var ar bed,
Continuit c'hoas un nebeut da gaout truez onzomp,
Oc'h ober, dre drugare, œuvrou mad evidomp.

Ispicial o pedomp pa deuit da celebri
An Oferen en ilis, clêvit neuze hor c'hri
Eus a ouelet ar flammou o c'houlou diganeoc'h
Ma teuot d'ober gant Doue dre'r Sacrifiç hor peoc'h.

Ha p'or bezo peur-baeet ar boan dleet d'or pec'het,
Ni hor bezo dèc'h neuze digant Doue reget.
Pedit, ni a raï ive; en em sicouromp oll,
Ennes vezo ar voyen ne deuyo den da goll.

Evel an doue o vonga an tân-goall alimet,
An tân eus ar purgator a vez ive mouguet
Dre ar Sacrifiç sautel offret var an Auter,
Da c'houlou hon delivrançouz Doue hor Zalver.

Pa zortian eol squeodus a zindan ar goabren,
Ar bed oll en un istant a receo sclêrijen :
Ni a zortio ive sclêr evel ar stered
Eus ar poaniou a zouffromp dre'r Sacrifiç offret.

Adieu, tadou ha mamou, bredeur ha c'hoarezed;
Adieu, qerent, mignonet; adieu dèc'h, tud ar bed :
Ni a ra brema dèc'h hor c'himiad diveza;
Adieu dèc'h : qen a vo en traouyen Josapha.

Roit ar repos eternal, va Jesus, va Autrou,
D'an oll eneoù fidel pere zo er flammou,
Ebars en ho Parados, da veuli da james
Assambles gant an oll Zent hagant an oll Æles.

Piou ac'hanomp, va Doue! n'en deve us divoëret
Un tad, ur vam, ur buguel, qerent all, mignonet?
Bizitom-ta o beziou ha pedomp a galon :
Un douçder an tenerra eo d'ar c'hristen güirion.

Daoulinet var ohezion, e credomp fermamant
En ur bedi evito, int d'hor speret present.
Lavaromp-ta evito, gant hor mam an Ilis,
Ur *Miserere mei* hac un *De profundis*.

DOUE DA BARDONO D'AN ANAON!



E Montroulez eus a Imprimeri A. Lédan.